

ԼԱԼԻԿ ԽԱԶԱՏՐՅԱՆ*

Բանասիրական գիրությունների դոկտոր, պրոֆեսոր
Խ. Արովյանի անվ. <ՊՄՀ Լեզվաբանական հետազողությունների
գիրական լաբորատորիա
lingualal51@mail.ru

ԼԻԼԻԹ ԽԱԶԱՏՐՅԱՆ

Բանասիրական գիրությունների թեկնածու,
Համազգային Արևմտյան շրջանի գրական միավոր,
Լու Անջելես, ԱՄՆ
lilitellen@yahoo.com

ԱԾԱԿԱՆԻ ԹՎԻ ՔԵՐԱԿԱՆԱԿԱՆ ԿԱՐԳԻ ԱՐՏԱՀԱՅՏՈՒԹՅՈՒՆԸ ՀԻՆ ՀԱՅԵՐԵՆՈՒՄ

Բանալի բառեր՝ ածական անոն, թվի կարգ, մասնիկավորում, շարահյուսական մակարդակ, ձևաբանական իմաստավորում, սերող հիմք, թվակազմական մասնիկներ:

Ներածություն

Թվի քերականական կարգն արտահայտում է քանակայնության գաղափար, որ տարածվում է հաշվելի առարկաների վրա: Հաշվելի առարկաները կարող են լինել մեկից ավելի. այստեղից էլ քանակայնության հասկացությունը:

Հին հայերենում (և բազմաթիվ այլ լեզուներում) անվան եզակի թիվը նշույթավորված չէ. իբրև քերականական իմաստի արտահայտման միջոց՝ հանդես է գալիս բարի ուղիղ ձևը, որ հատկանշվում է զրո ձևով: Ի հակադրություն զրո ձևովթի, հոգնակի թիվը նշույթավորված է. հոգնակիության գաղափարն արտահայտվում է թվանիշ թեքույթների միջոցով, որոնք բառը վերածում են բառաձևի:

Թվի գաղափարը տարածելի է ոչ միայն գոյականների, այլև հատկանշային խոսքի մասերի վրա, թեև վերջիններս այս ոլորտում այլ յուրահատ-

*Հոդվածը ներկայացվել է 16.11.20, գրախոսվել է 13.11.20, ընդունվել է բապագրության 02.08.21:

Ածականի թվի քերականական կարգի արտահայտությունը իին հայերենում

կություն են դրսնորում, որ պայմանավորված է նրանց փոխանվանաբար գործածությամբ և հոգնակի լրացյաներին համաձայնելու շարահյուսական հատկանիշով:

Թվի կարգն արտահայտելու տեսակետից որոշակի յուրահատկություն են դրսնորում ածականները, որոնք իին հայերենում թվի գաղափարն արտահայտում են կա՛մ փոխանվանական գործածությամբ, կա՛մ հոգնակի լրացյալին համաձայնելու հանգամանքով՝ հանդես գալով շարահյուսական մակարդակում:

Ածականի համակարգում հոգնակի թվի իմաստը ոչ թե ձևաբանական, այլ շարահյուսական հատկանիշ է, քանի որ ածականն առանձին հոգնակի թվով հանդես չի գալիս, եթե չի գործածվում գոյական անվան հետ. հետևաբար հոգնակի թվի հատկանիշը պայմանավորված է նախադասության անդամների համաձայնության հանգամանքով, որ շարահյուսական հասկացություն է: Մյուս կողմից՝ ածականի թվի գաղափարը պայմանավորված է փոխանվանական գործածության հանգամանքով, երբ ածական անոնքը գործածվում է գոյական անվան փոխարեն, որի հետևանքով տեղի են ունենում ածական-գոյական խոսքիմասային մասնակի փոխանցումներ՝ խոսքիմասային տարարժեք բառերի անջատումով: Եթե ածականը հանդես է գալիս նաև հոգնակի թվով, ապա կարելի է խոսել նրա թվակազմական հատկանիշի մասին. այսինքն՝ ի՞նչ եղանակով կամ ի՞նչ միջոցով է արտահայտվում նրա հոգնակիակազմությունը:

Գ. Զահուկյանը, կատարելով առաջնային արմատական ածականների իմաստային վերլուծություն, նկատում է, որ դրանք ըստ որոշային կարգերի բնութագրում են նյութական և տարածական օբյեկտներ կա՛մ ինքնին, կա՛մ հիմնական կարգերին բնորոշ հարաբերությամբ հանդերձ: Վերլուծելով երկիմույթ արմատական ածականներին բնորոշ որակական և քանակական, ինչպես նաև չափի ու տեղի կարգերի գուգորդմամբ բնութագրվող տիպերը՝ նա առանձնացնում է որոշակի խմբեր, որոնք բնորոշվում են կազմի և թվի, կախման և թվի, ձևի և թվի կարգային հատկանիշներով¹: Այլ կերպ ասած գիտնականը թվի քերականական կարգը տարածելի է համարում նաև հատկանշային խոսքի մասերի վրա:

¹ Զահուկյան 1989, 84, 89–90:

Ածական անվան գործածությունը լրացական դերով

Ածական անունն ընդհանրապես առանց գոյականի խոսքում գործածություն չունի, ըստ այդմ՝ ածականի հոգնակի թիվը պայմանավորված է ածական-գոյական համաձայնության հանգամանքով. միավանկ ածականները նախադաս և հետադաս դիրքում, իսկ բազմավանկ ածականները հետադաս դիրքում թվով (և հոլովով) համաձայնում են հոգնակի լրացյալներին: Ածականի թվի կարգը հնարավոր չէ քննել առանց հաշվի առնելու նրա գործառությունը (շարահյուսական միջավայրը): Այսպես՝

Ոչ է օրէն դիցազանց ... թշնամութիւն յափտենական ի մէջ երկոցունց ազգաց քաջաց հաստատել (Խոր., 178): *Մեծաց հարուածոց արժանի առնէր զՎարազն* (Բուզ., 87): Եւ ոչ է արարիչ չարաց իրաց, այլ քարեաց (Եզն., 8):

Ազգաց քաջաց, մեծաց հարուածոց և չարաց իրաց կապակցություններում քաջաց, մեծաց և չարաց ածականները համաձայնել են հոգնակի լրացյալներին (ազգաց, հարուածոց, իրաց) և արտահայտում են հոգնակի թվի իմաստ՝ ք-ց հերթագայության միջոցով:

Դիտարկենք բազմավանկ ածականների հոգնակիակազմությունը և նրանց գործածությունը լրացական դերով.

Տիկնայր փափկասունք Հայոց աշխարհին յանապազ բոկ եւ հետի երթային ի տունս աղօթից (Եղ., 201): Ոչ են յուացեալ ի նիզակս իլրեանց, այլ ի վերայ լերանց բարձանց իլրեանց (Յուդիթ, Է, 12): Գիսաւոր նոխազիք և ցլուք սպիրակօք առատացոյց զգիս կրակի (Եղ., 12): Արտաքնցն երեւէին իբրեւ այրիք սգաւորք (Եղ., 203): Յիշի աստանօր ի պատմութեանս՝... բնակեալ յառաջագոյն արք սակաւք ինքնակամ հնազանդեալ որդութիւնն (Խոր., 33): Դարձի՛ր նմանեաց դու այծեման կամ որթոց եղանց ի վերայ լերանց ինկարերաց (Երգ., Գ, 17):

Դիտարկված օրինակներում հետևյալ բազմավանկ ածականներն արտահայտում են հոգնակի թվի իմաստ՝ փափկասունք, բարձունք, սպիրակօք, սգաւորք, սակաւք, ինկարերաց, որ պայմանավորված է գերադաս անդամի՝ գոյականի հոգնակի թվով՝ փիկնայր, լերանց, ցլուք, այրիք, արք, լերանց:

Վերոբերյալ ածականների հոգնակի թվի իմաստն արտահայտվել է մասնիկավորման եղանակով: Այսպես, փափկասունք, սգաւորք և սակաւք բառերը հոգնակի թիվն արտահայտում են –ք մասնիկի միջոցով, բարձունք ածականի արտահայտության պլանում ծնականորեն կարող ենք առանձնացնել - ունք հոգնակերտ-հավաքական մասնիկը (դրանց կազմությանն առանձին

Ածականի թվի քերականական կարգի արտահայտությունը իին հայերենում

կանդրադառնանք), իսկ սպիրակօք բառաձևի հոգնակին դրսնորվել է –ք մասնիկով՝ եզակի գործիականից՝ սպիրակաւ-ք:

Ինչպես կարելի է եզրակացնել վկայված օրինակներից, բազմավանկ ածականները, որպես կանոն, հետադաս գործածությամբ հոլովով և թվով համաձայնում են հոգնակի լրացյալին, իսկ նախադաս բազմավանկ ածականները՝ ոչ²: Սակայն մատենագրության մեջ հանդիպում են բազմավանկ նախադաս ածականների՝ հոգնակի թվով համաձայնության դեպքեր, որ պետք է համարել նախագրային օրինաչափության հետքեր: Հմմտ.

Դիմեալ գայ ի վերայ քո ԲԵԼ յաւեժիք քաջօք երկնադիզօք հասակօք սկայիք մրցողօք (Խոր., 34):

Բերված օրինակներում յաւեժիք և երկնադիզօք նախադաս ածականները հոգնակի թվով համաձայնել են հոգնակի լրացյալներին՝ քաջօք և հասակօք: Բազմավանկ ածականների հոգնակին արտահայտվել է –ք մասնիկով, որ ավելացել է բառերի եզակի գործիականի վրա՝ յաւերժիւ-ք և երկնադիզօք:

Իբրև բազմակի հասարակ անունների լրացում՝ ածական անունն արտահայտվում է հոգնակի թվով, ինչպես՝ Սատող և Յովսաթան սիրելիք և գեղեցիկը և վայելուչք (Բ. Թագ., Ա, 23): *Արդարոցն՝ Աբրահամու, Իսահակայ և Յակոբայ:

Նախադաս բազմակի ածականները թվով համաձայնում են հոգնակի լրացյալներին, երբ նրանցից միջարկված են լինում այլ լրացումներով³, հմմտ.

*Այսոքիք և այլ բազմօք խորհրդական բանիք, *ի պղծոց և ի նորաձայն բանից, *ի խսդիցն և յանվանելի նիկթոց, *ի խածանողականացն զազիր զեռնոց:

Ածականը հոգնակի թվով է արտահատվում հավաքական անունների կամ այնպիսի գոյականների պահանջով, որոնք ձևով եզակի են, սակայն արտահայտում են հոգնակի նշանակություն՝ կամ թվական լրացումով, կամ իբրև տեսակի անուն (ազգի կամ տոհմի): Հմմտ.

*Ընթացաւ ամենայն ժողովուրդն զարմացեալք: *Ժողովեցաւ ամենայն Խորայէլ իբրև զայր մի՝ եկեալք ի քաղաքաց: *Երկուդասան այր տգէկը և տառապեալք, որը ի նմանէ էին հարեալք:

Բազմակի լրացումների դեպքում լրացումներից վերջինն է թվով և հոլովով համաձայնում լրացյալին, հմմտ.

² Աբրահամյան 1976, 61: Խաչատրյան, Թոսունյան 2004, 90–91: Առաքեյան 2008, 76:

³ Բագրատունի 1952, 330:

Խաչատրյան Լ., Խաչատրյան Լ.

*Այս բանք ճշմարիկ և հաւափարիմք: *Յանձն առ մտանել յանձն և ի մարմինս բորոպեալ և մեռելուույս: *Նկանակս կարմիր և փափուկս, յոյժ և գեղեցիկս⁴:

Ածականի թվակազմությունը

Ածականի թվակազմությունը պայմանավորված է նրա ձևակազմական գործոնով, որ մասնավորապես վերաբերում է ածանցավոր կազմություններին:

Հատկանշային խոսքի մասերի և վերացական հասկացությունների դեպքում թվանիշ վերջավորությունները բովանդակային պլանի հետ միասին կարող են ոնենալ նաև ձևական կիրառություն և հանդես գալ որպես շարահյուսական կապակցության արտահայտիչներ⁵. դա պայմանավորված է հոգնակի լրացյաներին համաձայնելու շարահյուսական հատկանշով:

Ածանցավոր ածականների հոգնակին, որպես կանոն, կազմվում է ելակետային՝ սերող հիմք + ք մասնիկ կաղապարով. Վերջածանցի տեսակը թվակազմության առոմնով չեղոք է:

Շարահյուսական մակարդակում հոգնակի թվով հանդես են գալիս ինչպես որակական, այնպես էլ հարաբերական ածականները: Մի դեպքում՝ ածականի հոգնակի թիվը պայմանավորված է հոգնակի լրացյային համաձայնելու պահանջով, մյուս դեպքում՝ փոխանվանաբար (գոյականաբար) գործածվելու հանգամանքով:

Ածականի թվակազմությունը դիտարկենք երկու կտրվածքով՝ պայմանավորված ածականի որակական և հարաբերական տեսակներով. Երկու դեպքում էլ իբրև ելակետային միավորներ, նկատի ոնենք ածանցավոր կազմությունները և թվակազմությունը ցուց ենք տալու ըստ ածանցների տեսակների:

Ա. Որակական ածականները հին հայերենում հատկանշվում են հետևյալ վերջածանցներով՝ (ա)որ, -արար, -ական, -այի // -ելի, -անի, -գոյն, -ին, -ուն, -եցիկ, -ովիի, (եր)իմ, -եղ, -իկ, -իչ // ուշ և այլն, նախածանցավոր կազմությունները համեմատաբար սակավ են. այնուամենայնիվ հանդիպում են ան-

⁴ Շարադրանքում *-ով տրված օրինակները վկայված են Ա. Բագրատունու աշխատությունից (Բագրատունի 1952):

⁵ Զահոնկյան 1974, 182:

Ածականի թվի քերականական կարգի արտահայտությունը իին հայերենում

ապ(ա)-, ყր- ածանցներով, որոնց մեջ գործառապես կենսունակ են ան- նախածանցով կազմությունները⁶:

Այս ածանցներով կազմությունների հոգնակին պայմանավորված է ոչ միայն հոգնակի լրացյալին համաձայնելու շարահյուսական հատկանիշով, այլև ածականների՝ փոխանվանաբար գործածվելու հանգամանքով։ Կան որոշակի ածանցավոր կազմություններ էլ, որոնք իրենց իմաստային կառուցվածքում համատեղում են նաև գոյականի խոսքիմասային արժեք և, ըստ այդ հատկանիշի, կարող են հոգնակի թվի իմաստ արտահայտել. դրանք խոսքիմասային տարարժեք բառերն են, որոնք սերում է ածականական նախնական իմաստից ու արժեքից։

Դիտարկենք ան- նախածանցով որակական ածականների թվակազմությունն ու նրանց գործածությունը համապատասխան շարահյուսական միջավայրում։ Քանի որ շարահյուսական միջավայրում գոյականն ու ածականը (որոշիչն ու որոշյալը) հանդես են գալիս հոլովի և թվի հարացուցային ձևերով, կարելի է ասել, որ այդ միավորները համատեղում են հոլովակազմությունն ու թվակազմությունը, հետևաբար այդ ձևերը ներկայանում են իբրև հոգնակիակազմ-հոլովակազմ հիմքերի և հոգնակերտ-հոլովակերտ վերջավորությունների գործորդումներ⁷։

Ան- նախածանցով ածականները հոգնակին արտահայտում են –ք մասնիկի միջոցով, ինչպես՝

անամօթ-ք, անառակ-ք, անհաւատ-ք, անաստուած-ք, անարժան-ք, անզգամ-ք, անխիղճ-ք, անհնազանդ-ք, անհոգ-ք, անմեղ-ք, անմիաբան-ք, անմիտ-ք, անյոյս-ք, անշարժ-ք, անշշունչ-ք, անշունչ-ք, անուղղայ-ք, անպարտ-ք, անպիտան-ք, անջրդի-ք, անսուրբ-ք, անցաւ-ք, անցաւոր-ք, անօգնական-ք, անօգուտ-ք և այլն։ Հմմտ։

Ի նշանակ որդուցն անհնազանդից (Թիվը, ԺԷ, 10): Յակշտակեցին զնա անցաւորք ճանապարհի (Սաղ. ԶԸ, 42): Եւ անմիաբանք լեալ ի միմեանց, արձակին (Գործ., ԻԸ, 25):

Ապ(ա)- ածանցով՝ ապաշնորհ-ք. Եղիշիք որդիք Բարձրելոյ, զի նա քաղցր է ի վերայ չարաց և ապաշնորհաց (Ղուկ., Զ, 35):

Տ- ածանցով՝ տկար-ք, տհաս-ք. Աղեղոնք հզորաց տկարացան, եւ դրկարդ զգեցան զօրովթիւն (Ա. Թագ., Բ, 4):

⁶ Հին հայերենում ածականակերտ ածանցների բառակազմական արժեքի մասին տե՛ս Տյմանյան 1971, 246–250:

⁷ Պետրոսյան 1972, 119:

Խաչատրյան L., Խաչատրյան L.

Դիտարկենք վերջածանցավոր որակական ածականների թվակազմությունն ու ցոյց տանք դրանց գործածությունը համապատասխան բնագրային վկայություններով:

1. -Աւոր ածանցով կազմություններ. թունատր-ք, հեռաւոր-ք, կեղծատր-ք, ահատր-ք, աղետատր-ք և այլն:

Հմմտ. Եւ մարդ որ ... որ ի հեռաւոր ճանապարհի ոչ իցէ սատակեսցի անձն այն ի ժողովրդենէ իւրմէ (Թիւք., Թ, 13): Եւ հեռաւորք ի նոցանէ Եկեսցեն և շինեցեն զոտուն Տեառն (Զաքա., Զ, 15):

2. -Արար ածանցով կազմություններ. կենարար-ք, լուարար-ք, աղմկարար-ք, զրուցարար-ք, խոռվարար-ք, հաշտարար-ք, ազդարար-ք, խոհարար-ք // խորտկարար-ք և այլն: Հմմտ.

Սուածնորդեսցէ մեզ ... Աստուած մեր Աստուած կենարար (Սաղ., Կէ, 21): Քրիստոն՝ որ յանձինս նոցա զարթոյց զկամս (իր) կենարարս (ՆՀԲ, 1, 1084): Խոռվարար խորհուրդք (ՆՀԲ, 2, 986): Լինին խոռվարարք և բարկացօղք (ՆՀԲ, 1, 986):

3.-Ական ածանցով կազմություններ. հոգեկան-ք, կործանական-ք, օրհասական-ք, հանրական-ք, հանդարտական-ք, խաղաղական-ք, բոլորական-ք և այլն:

Հմմտ. Տո՛ւր նմա պատասխանի խաղաղական (Սիրաք., Դ, 8): Եւ ահա ես իշից առ քեզ մատուցանել ողջակէզս և զոհս խաղաղականս (Ա Թագ., Ժ, 8): Զօրհասական վերսն յոգին ընկալեալ էր (Եղ., 64): Նա և արջք օրհասականք ընդ վախճանել շնչոցն հզորագոյնս կռուին (Եղ., 8):

4. -Այի // -ելի ածանցներով կազմություններ. ցանկալի-ք, իմանալի-ք, բաղծալի-ք, տաղտկալի-ք, սիրելի-ք, գովելի-ք և այլն: Հմմտ.

Արքայն Նաբուգոդրոնոսոր տարաւ զնա ի Բաբելոն ... հանդերձ ցանկալի սպասութ տանն Տեառն (Բ. Մսա., ԼՀ, 10): Եւ ամենայն գործք իր ցանկալիք են (Սիրաք, ԽԲ, 23): Որդեա՛կ, սիրելի արա՛ զանձն քո ժողովրդեան (Սիրաք., Դ, 7): Սաւուլ և Յովնաթան սիրելիք եւ գեղեցիկը եւ վայելուչք, չմեկնեալք ի կենդանութեան իւրեանց եւ ոչ մեկնեցան ի մահուան իւրեանց (Բ Թագ., Ա, 23):

5. -Անի ածանցով կազմություններ. գեղանի-ք, լեզուանի-ք, պիտանի-ք և այլն: Հմմտ. Եղիցի անօթ պատուական՝ սրբեալ և պիտանի Տեառն (Բ Տիմո. Բ, 21): Գտեալ ասր և կտուա՛ արար անօթս պիտանիս ծեռօք իւրովք (Արակ, ԼԱ, 13):

Ածականի թվի քերականական կարգի արտահայտությունը իին հայերենում

6. -Գոյն ածանցով կազմվում է որակական ածականի բաղդատական աստիճանը, որի հոգնակին ծևավորվում է –ք ածանցով լաւագոյն-ք, աւագագոյն-ք, բարձրագոյն-ք, գեղեցկագոյն-ք, պարզագոյն-ք, կարծրագոյն-ք, խստագոյն-ք և այլն: Հմմտ.

Եւ այնչափ լաւագոյն ուխտի եղեւ երաշխաւոր Քրիստոս (Եբրա., Է, 22): Մանաւանդ բազումք ի ձէնջ լաւագոյնք էք քան զիս արութեամբ (Եղ., 101): Եւ յարեաւ գնաց արքայ ի Գաբաւոն զիհել անդ, զի նա առաւել բարձրագոյն և մեծ էր (Գ Թագ., Գ, 4): ... Լերանց բարձրագոյնից (Խոր., 35):

7. - Ին ածանցով կազմություններ. դժուարին-ք, դիմին-ք, վերին-ք, ներքին-ք խորին-ք, անհնարին-ք և այլն: Հմմտ.

Դիրին է մայխոյ մտանել ընդ ծակ ասղան, քան մեծատան յարքայութիւն Աստուծոյ (Մատ., ԺԹ, 24): Եւ ասէ ցնա Արիստոլոմ. Ահա բանք քո բարի են և դիրինք (Բ. Թագ., ԺԵ, 3): Զիա՛րդ դժուարին է որ զինչս ունին, մտանել յարքայութիւն Աստուծոյ (Մարկ., Ժ, 23): Եւ ասէ Յակոբ ցՓարաւոն. Աւուրք ամաց կենաց իմոց ... սակաւք և դժուարինք եղեն (Ծնն., ԺԷ, 9):

8. -Ուն ածանցով կազմություններ. խօսուն-ք, ասուն-ք, գիտուն-ք, իմաստուն-ք, հասուն-ք, գեռուն-ք և այլն: Հմմտ.

Առնել զբանաւոր զիմասպուն եւ զիսօսուն արարածն ի մէջ անբան անխօս անիմաստ արարածոցն (Ագաթ., 135): Յորոց և իմասպունքն տեղի տուեալ փախչին ի նոցանէ (Եղ., 8): Եւ ամենայն գեռուն թռչուն, որ գնայցէ ի չորս՝ պիղծ եղիցի ձեզ (Ղետ., ԺԱ, 20): Այս ծով մեծ և անդորր, ի սմա գեռունք, որոց ոչ գոյ թիւ (Սաղ., ՃԳ, 23)⁸:

9. -Եցիկ ածանցով կազմություններ. երգեցիկ-ք, գեղեցիկ-ք, ազդեցիկ-ք և այլն: Հմմտ. Եւ էր կոյսն գեղեցիկ երեսօք յոյժ (Ծնն., ԻԴ, 16): Սաւուլ և Յովնաթան ... գեղեցիկք եւ վայելուչք, չմեկնեալք ի կենդանութեան իրեանց եւ ոչ մեկնեցան ի մահուան իրեանց (Բ Թագ., Ա, 23):

10. -Ոտի ածանցով կազմություններ. հնոտի-ք, սնոտի-ք, օտարոտի-ք և այլն: Հմմտ. Մի՛ օդարուրի համարել զեռանդն ինչ որ փորձութիւն ձեզ լինիցի (Ա Պետ., Դ, 12): Ի բաց արարէք ի ձէնջ զաստուածս օդարուրիս (Յեսու, ԻԴ, 23): Ի սնուրի յոյս կապեալ կան անհաւատք (Եզն., 105): Մի՛ ոք զձեզ խաբեսցէ բանիւք սնուրուվք (Եփե., Ե, 8):

⁸ Իմասպունք, գեռունք բառերը խոսքիմասային տարարժեք բառեր են և հանդես են գալիս նաև գոյականի արժեքով:

Խաչատրյան L., Խաչատրյան L.

11. -(Եր)իմ ածանցով կազմություններ. մտերիմ-ք, ոխերիմ-ք, հաւատարիմ-ք, ուշիմ-ք և այլն: Հմմտ.

Ոչ այնպէս, որպէս ծառայն իմ Մովսէս, որ յամենայնի տան իմում հաւատարիմ է (Թիւք, ԺԲ, 7): Դաշինս հաւատարիմս կոէր ընդ նմա (Բ.Մակ., Դ, 34): Մեռան ի մահուանն Արտաշիսի սիրելի կանայք ... և մղերիմ ծառայք (Խոր., 190): Ի ձեռն մղերմաց պատմէ եղօրոն զնենգութիւն (ՆՀԲ, 2, 307):

12. -Եղ ածանցով կազմություններ. ահեղ-ք, հանճարեղ-ք, շքեղ-ք, ուժեղ-ք, զօրեղ-ք, համեղ-ք և այլն: Հմմտ.

Ահա ժողովուրդ իմաստուն եւ հանճարեղ, ազգս այս մեծ (Բ.Օրէն., Դ, 6): Արդ տուք ի ձենջ արս ... հանճարեղս ի վերայ ցեղից ծերոց (Բ.Օրէնք, Ա, 13): Մխիթարեցան անտի Յուդայ՝ ի զօրեղ եւ ի գեղեցիկ (Բ.Մակ., ԺԵ, 17): Ախտից զօրեղաց (ՆՀԲ, 1, 757):

13. -Իկ ածանցով կազմություններ. անառիկ-ք, աշխարհիկ-ք (ա.գ) և այլն: Հմմտ.

Չար քան զյանցաւոր աշխարհիկ դատապարտիմք (ՆՀԲ, 1, 264): Աշխարհիկըն ետուն զբաժինս իրեանց (ՆՀԲ, 1, 2164):

14. -Իչ, -ուչ ածանցներով կազմություններ. մատնիչ-ք, ամենափրկիչ-ք, թումիչ-ք (ա.գ), վայելուչ-ք և այլն: Հմմտ.

Ո՞վ արգահատեսցէ թռվչի օձահարի (Սիրաք, ԺԲ, 13): Տեսանեմք ի հնարագիտութենէ թռվչաց զգօնացեալ (օձից) ... և բնակեալ ի տան՝ չմեղանչեն բնակչացն (Եզն., 64): Քերեաց ճարտարութեամբ զամենայն կեղեւ հնարեալ վայելուչ անաւթ պիտանի (Իմաս., ԺԳ, 11): Սաւուղ և Յովնաթան ... վայելուչք, չմեկնեալք ի կենդանութեան իրեանց եւ ոչ մեկնեցան ի մահուան իրեանց (Բ.Թագ., Ա, 23):

15. -Ովի ածանցով կազմություն. կորովի-ք. Հմմտ.

Կորովի և յաջողակ ի պատերազմունս (ՆՀԲ, 1, 1121): Եւ ծանրացաւ պատերազմն ի վերայ Սաւուղայ, եւ գտին զնա արք կորովիք (Ա.Թագ., ԼԱ, 3):

16. -Ի ածանցով կազմություններ. առաքինի-ք, յուրթի-ք, այլազգի-ք, բարի-ք և այլն: Հմմտ.

Ի մէջ բազմութեան երեւեցայց առա՛տ, եւ ի մէջ պատերազմի՝ առաքինի (Իմաս., Ը, 15): Գողացարուք աւադիկ զմիտս իմ խորհրդականքդ առաքինիք (Գ.Մակ., Զ, 17): Եւ ամենայն ինչ՝ զոր Որմիզդն առնէր, բարի էր եւ ուղիղ (Եզն., 115): Զողորմութիւն և զճշմարտութիւն նիւթեն բարիք (Առակ., ԺԴ, 22):

Բ. Հարաբերական ածականները բնութագրվում են հետևյալ ածանցներով՝ -ային, -ական, -եայ, -եղէն, -ե // -ի, -եան, -անի և այլն:

Ածականի թվի քերականական կարգի արտահայտությունը հին հայերենում

Հարաբերական ածականների թվի կարգը նոյնպես պայմանավորված է շարահյուական համաձայնության գործոնով, ինչպես նաև փոխանականաբար գործածության հանգամանքով:

1. -Ային վերջածանցով կազմություններ. գարնանային-ք, աշնանային-ք, ամառնային-ք, ձմեռնային-ք, մարդկային-ք, լեռնային-ք, ցամաքային-ք, հարավային-ք, հիմասիսային-ք, ծովային-ք, դաշտային-ք և այլն: Հմմտ.

Տիրեսցէ ամենայն լեռնային կողմանցն (Յուլիթ, Ժ, 13): Եւ առ Յեսու զամենայն երկիրն զայն, զլեռնակողմնն եւ զդաշբայինն եւ զարեւմտեայն (Յեսու, ԺԱ, 16): Իբրեւ լուան ամենայն թագաւորքն որ լեռնայինք և որ դաշբայինք ... եկին ի միասին տալ պատերազմ ընդ Յեսուայ (Յեսու, Ժ, 1):

2. -Ական վերջածանցով կազմություններ. արքոնական-ք, հայրական-ք, մայրական-ք, եղբայրական-ք, մանկական-ք, ծովական-ք, բարբարոսական-ք, տիեզերական-ք, վիմական-ք, արձանական-ք, դամբանական-ք, լեռնական-ք, մարմնական-ք և այլն: Հմմտ.

Եւ կշռէր զիեր զիխոյ իլոյ երկերիւր սիկոյ ըստ արքոնական սկեղ (Բ Թագ. ԺԳ, 26): Եւ անդ շինեցին զապարանսն արքոնականս (Բուգ., 16): Տացուք զայսոսիկ՝ մանկականի քոյոյ տիոց (Խոր., 90): Այսոքիկ են մանկականքն ... ոչ ցանկաս մեծովեան՝ որ յԱստուծոյ կայ մնայ միշտ (ՆՀԲ, 2, 2014):

3. -Եայ վերջածանցով կազմություններ. բրդեայ-ք, մետաքսեայ-ք, ասուեայ-ք, ծովափնեայ-ք, ստորերկրեայ-ք, միջօրեայ-ք և այլն: Հմմտ.

Մելքաքսեայ զգեստ (ՆՀԲ, 2, 253): Զիետևակն՝ պահապանս քաղաքացն, որ զմելքաքսեայսն ունին զվիշապս (Խոր., 303): Ծանրագոյն գտանիցէք քան զաւազ ծովափնեայ՝ զվիշտս իմ (ՆՀԲ, 1, 1025): Արքեն եգիպտացիքն զջրշեղս ծովափնեայս (ՆՀԲ, 1, 1025):

4. -Եան վերջածանցով կազմություններ. աջակողմեան-ք, ձախակողմեան-ք, արեւելեան-ք, արեւմտեան-ք և այլն: Հմմտ.

Եւ իբրեւ ետես՝ եթէ վարատեալ ցրուեցան ի բազում կողմանս, ի խորհուրդ կոչէր զպաշտօնեայս ձախակողմանն (Եղ., 8): Կան ձախակողմեանքն ամօթով (ՆՀԲ, 2, 145):

5. -Եայ վերջածանցով կազմություններ. փախստեայ-ք, արեւելեալ-ք, արեւմտեայ-ք, մարմարեայ-ք և այլն: Հմմտ.

Բնակեցուցանէ յարեւելեայ ուսոյ մեծի լերինն (Խոր., 29): Եւ եղեւ բնակութիւն նոցա ի Մասեաց մինչեւ գալ ի Սովորա լեառն արեւելեայց (Ծնն., Ժ,

Խաչատրյան L., Խաչատրյան L.

30): Շինեաց ի վերայ խաչին մարմարեայ խորանս (ՆՀԲ, 2, 226): Սրունք նորա սիևն մարմարեայք հաստատեալք ի վերայ ոսկի խարսխաց (Երգ., Ե, 15):

6. -Եղէն ածանցով կազմովայուններ. արծաթեղէն-ք, ոսկեղէն-ք, երկաթեղէն-ք, ասրեղէն-ք, բրդեղէն-ք, բոցեղէն-ք, հողեղէն-ք, հրեղէն-ք, փայտեղէն-ք, խեցեղէն-ք և այլն: Հմմտ.

Եւ զամենայն կահ և սպաս տաճարին ոսկեղէն եւ զարծաթեղէն ... եւ ի պահեստ ի տան կորոց իւրոց (Ա Եզր., Զ, 18): Եւ անօթ խեցեղէն, յոր մերձեսցի սերմնակարան, փշրեսցի, եւ ամենայն անօթ փայտեղէն լուասցի ջրով (Ղետ., ԺԵ, 12): Այլ ի տան մեծի ոչ միայն են անօթք ոսկեղէնք ու արծաթեղէնք, այլ եւ փայտեղէնք եւ խեցեղէնք... (Բ Տիմո., Բ, 20):

Երբ դիտարկում ենք ածականի թվակազմովայունը՝ պայմանավորված ելակետային միավորի ծևակազմական գործոնով, ապա պետք է նկատի ունենալ նաև այն բառերը, որոնք բնորոշվում են վերջնավանկի յուրահատուկ հնչյունական կառուցվածքով:

Այսպես, հետևյալ՝ Ո ձայնորդով և նախընթաց բաղաձայնով վերջացող բառերի վերջնավանկում հնչում է (ը)ր, ինչպես՝ ծանր, կարծր, մանր, թանձր, փոքր, բարձր, բաղցր, որոնց հոգնակին յուրահատուկ կազմովայուն ունի. հոգնակի ուղղականը կազմվում է եզակի սեռականից (որտեղ հանդես է գալիս Ու հոլովիչը), որին ավելանում է –ք հոգնակերտ մասնիկը, իսկ հոգնակերտից առաջ հանդես է գալիս Ն ձայնորդը, որ պահպանվում է հոգնակի թվի բոլոր հոլովներում⁹:

Հմմտ. ծանր – ծան-ու-ն-ք, կարծր – կարծ-ու-ն-ք, մանր – ման-ու-ն-ք, թանձր – թանձ-ու-ն-ք, փոքր – փոք-ու-ն-ք, բարձր – բարձ-ու-ն-ք, բաղցր – բաղց-ու-ն-ք:

Այս բառաձևերը գործածվում են միայն հոգնակի գոյականների հետ և թվով ու հոլովով համաձայնում են նրանց: Հոգնակի թվի թեք հոլովներում թվակազմական իմաստն արտահայտվում է ք-ց հերթագայությամբ, իսկ հոգնակի հայցականում՝ ք-ս (ինչպես հոգնակի գոյականների դեպքում): Հմմտ. լերին-ք բարձուն-ք – լերան-ց բարձան-ց, (զ)լերին-ս բարձուն-ս, ի լերան-ց բարձան-ց, լերամբ-ք բարձամբ-ք, ծկուն-ք մանուն-ք - ծկան-ց մանուն-ց, (զ)ծկուն-ս մանուն-ս, ծկան-ց մանուն-ց, ծկամբ-ք մանումբ-ք և այլն: Հմմտ.

Կալարուք մեզ աղուեսունս փորունս զապականիչս այգեաց (Երգ., Բ, 15): Ծածկէր զամենայն լերինս բարձունս (Ծն. Է, 19): Հասանէ յեզր ծովակի միոյ,

⁹ Աբրահամյան 1976, 43:

Ածականի թվի քերականական կարգի արտահայտությունը հին հայերենում

որոյ աղի են ջուրքն, մանունս ունելով յինքեան ձկունս (Խոր., 35): Կապեն բերինս ծանունս եւ դժուարակիրս (Մատ., ԻԴ, 4):

Հոգնակի ենթակայի պահանջով ածականը հոգնակի թվով գործառվում է բաղադրյալ ստորոգյախ կազմում, ինչպես՝ Ասիցէք. թուղթքս ծանունք են եւ սասպիրիկը (Բ. Կորն., Ժ, 10):

Հոգնակի ածականը առանձին կարող է հանդես գալ մակրայի արժեքով (հոգնակի հայցականով), ինչպես՝ Ականջք իլրեանց ծանունս լուան (Մատ., ԺԳ, 13): (ծանրությամբ): Դառանբեր վիժանք հոգուն քաղցունս բոխեսցեն (ՆՀԲ, 2, 973): (քաղցրությամբ):

Հոգնակի գործիականում ածականն ստանում է հոգնակերտ –ք մասնիկը, որ ավելանում է եզակի գործիականի վրա, հմմտ. լերամբ-ք բարձամբ-ք, քարամբ-ք կարծամբ-ք և այլն:

Հին հայերենում բարձունք բառն անկախացել է գոյականի իմաստով ու արժեքով՝ «բարձր տեղ, բարձունք» նշանակությամբ, որ ծագում է բարձր ածականի հոգնակի ծկից, ինչպես՝ Զագք արծուեաց ի բարձունս թռչին (Յոթ, Է, 7): Հաստատեցեր զոտս իմ ... և ի վերայ բարձանց կացուցեր զիս (Սաղ., ԺԷ, 34):

Եզրակացություններ

Հին հայերենում ածականի թվակազմությունը դիտարկելի է նրա գործառական ոլորտում՝ շարահյուաական մակարդակում, քանի որ ածականի թվի հատկանիշը ոչ թե ծևաբանական, այլ շարահյուաական իմաստավորում է. շարահյուաական ծևով կատարվող սահմանափակումներից դուրս ածական անունն ընդհանրապես, հոգնակի թիվը՝ մասնավորապես, գործածություն չունեն: Ածական անոնք, նրա թվի կարգը իմաստավորվում և արժնորվում են խոսքային գործածության ոլորտում. ըստ այդմ՝ նրա ծևաբանական հատկանիշներն իրացվում և դիտարկվում են շարահյուաական մակարդակում ենելով նրա լրացական դերից, հոգնակի լրացյալներին համաձայնելու շարահյուաական հատկանիշից և փոխանվանաբար գործածվելու հանգամանքից:

Լեզվում հարաբերական և որակական ածականների թվակազմությունը պայմանավորված է նաև ծևակազմական գործոնով, որ մասնավորապես վերաբերում է ածանցավոր կազմություններին: Հին հայերենում ածանցավոր ածականների հոգնակին, որպես կանոն, կազմվում է ելակետային՝ սերող հիմք + ք մասնիկ կաղապարով. վերջածանցի տեսակը թվակազմության առումով չեզոք է:

Խաչատրյան Լ., Խաչատրյան Լ.

Դիտարկված փաստական նյութի, ածականների տեսակների և նրանց ձևակազմական տիպերի վերլուծությունը ցոյց է տալիս, որ ածական անվան հոգնակի թվի քերականական իմաստն արտահայտվում է մասնիկավորման միջոցով:

ՄԱՏԵՆԱԳԻՏՈՒԹՅՈՒՆ

Աբրահամյան Ա.Ա. 1976, Գրաբարի ձեռնարկ, Երևան, «Լուս», 558 էջ:

Առաքելյան Վ.Դ. 2008, Գրաբարի քերականություն, Երևան, «Վիամիր», 343 էջ:

Բագրատունի Ա. 1852, Հայերէն քերականութիւն ի պէտո զարգացելոց, ի Վենետիկ, ի վանս Սրբոյն Ղազարու, 743 էջ:

Խաչատրյան Լ.Մ., Թոսունյան Գ.Բ. 2004, Գրաբարի դասագիրք, Երևան, «Զանգակ-97», 383 էջ:

Պետրոսյան Հ.Զ. 1972, Գոյականի թվի կարգը հայերենում, Երևան, Երևանի համալսարանի հրատ., 453 էջ:

Զահովյան Գ.Բ. 1974, Ժամանակակից հայերենի տեսության իմանները, Հայկական ՍՍՀ ԳԱ հրատ., Երևան, 588 էջ:

Զահովյան Գ. 1989, Ժամանակակից հայոց լեզվի իմաստաբանություն և բառակազմություն, Հայկական ՍՍՀ ԳԱ հրատ., Երևան, 319 էջ:

Տյմանյան Է. 1971, Դревнеармянский язык, Москва, изд. «Наука», 448 с.

ՀԱՄԱՊՈՏԱԳՐՈՒԹՅՈՒՆՆԵՐ

ա) Բնագրային օրինակների սկզբնադրյուրներ

Ազաթ.- Ազաթանգեղայ Պատմութիւն Հայոց, Տիֆլիս, 1909:

Բուզ.- Փաւատոսի Բիւզանդացւոյ Պատմութիւն Հայոց, Թիֆլիս, 1913:

Եզն.- Եզնկայ Կողբացւոյ՝ Բագրեւանդայ Եպիսկոպոսի Եղծ աղանդոց, Վենետիկ, 1826:

Եղ.- Եղիշէի վարդապետի Վասն Վարդանայ եւ Հայոց պատերազմին, Երևան, 1957:

Խոր.- Մովսէսի Խորենացւոյ Պատմութիւն Հայոց, Տիֆլիս, 1913:

ՆՀԲ.- Նոր բառգիրք հայկագեան լեզուի, Երկասիրութիւն երից վարդապետաց, Գ.Աւետիքեան, Խ. Սիլմէեան, Մ. Աւետիքեան, Իհ. Ա-Բ, ի Վենետիկ, ի տպարանի Սրբոյն Ղազարու, 1836–1837:

բ) Աստվածաշոնչ մատյանի համառոտագրություններ

Առակ.- Առակը Սողոմոնի

Գործ.- Գործը առաքելոց

Ա Եզր.- Եզր. գիրը առաջին

Եբրա.- Թուղթ Պողոսի առաքելոյ առ Եբրայեցիս

Ածականի թվի քերականական կարգի արտահայտությունը իին հայերենում

Եփե.- Թուղթ Պողոսի առաքելոյ առ Եփեսացիս
Զաքա.- Մարզպարէութին Զաքարեայ
Թագ., Ա. Բ. Գ.- Գիրք թագաւորութեանց Ա. Բ. Գ.
Թիգը.- Գիրք Թուլց
Իմաս.- Իմաստութին Սողոմոնի
Ծնն.- Ծնունդը
Կորն.- Թուղթ Պողոսի առաքելոյ առ Կորնիացիս Բ.
Ղետ.- Ղետականք
Ղուկ.- Ալետարան ըստ Ղուկասու
Մատ.- Ալետարան ըստ Մատթէոսի
Մարկ.- Ալետարան ըստ Մարկոսի
Մնա.- Գիրք Մնացորդաց Բ.
Յեսու- Գիրք Յեսուայ՝ որդոյ Նաևայ
Յոր- Գիրք Յորայ
Յուղիթ- Յուղիթ
Ա Պետ.- Թուղթ Պետրոսի առաքելոյ Ա.
Սաղ.- Գիրք Սաղմոսաց Դավթի
Սիրաք.- Գիրք Սիրաքայ
Տիմո. Թուղթ Պողոսի առաքելոյ առ Տիմոթէոս Բ.
Բ Օրէն.- Երկրորդուան Օրինաց

ВЫРАЖЕНИЕ ГРАММАТИЧЕСКОЙ КАТЕГОРИИ ЧИСЛА ПРИЛАГАТЕЛЬНОГО В ДРЕВНЕАРМЯНСКОМ ЯЗЫКЕ

ХАЧАТРЯН Л., ХАЧАТРЯН Л.

Резюме

Ключевые слова: прилагательное, категория числа, аффиксация, синтаксический уровень, морфологическое значение, производная основа, числообразовательные частицы.

Числообразование прилагательного рассматривается на синтаксическом уровне, поскольку признак числа прилагательного имеет не морфологическое, а синтаксическое значение; имя прилагательное вообще, и мно-

Խաչատրյան Լ., Խաչատրյան Լ.

жественное число в частности, вне синтаксических ограничений не употребляется.

Имя прилагательное, категория его числа осмысливаются и имеют значение на речевом уровне. В соответствии с этим морфологические признаки прилагательного рассматриваются на синтаксическом уровне.

Числообразование относительных и качественных прилагательных, в частности суффиксальных структур, обусловлено их формообразовательным фактором. Множественное число аффиксальных прилагательных, как правило, образуется по модели *производная основа+частица р*. Тип суффикса с точки зрения числообразования нейтрален.

Анализ рассматриваемого фактического материала, видов прилагательных и их формообразовательных типов показывает, что грамматическое значение множественного числа прилагательного выражается посредством аффиксации.

EXPRESSION OF THE GRAMMATICAL CATEGORY OF ADJECTIVE'S NUMBER IN OLD ARMENIAN

KHACHATRYAN L., KHACHATRYAN L.

Summary

Key words: adjective, grammatical category of number, affixation, syntax level, morphological level, derivative stem, number-formation patterns.

The number-formation of adjective was viewed on the syntactic level of adjective, as its number indication has not a morphological but a syntactic meaning. Adjective in general and its plural form in particular, does not have any other usage except its syntactically limited usages.

Adjective and its grammatical category of number have meaning and value in verbal usage. Hence, morphological indications of adjective are viewed and realized on the syntactic level.

The number-formation of relative and qualitative adjectives depends on the factor of their form construction, which particularly refers to derivative compositions. The plural of derivative adjectives, as a rule, is formed according to

Ածականի թվի քերականական կարգի արտահայտությունը հին հայերենում

the initial pattern; derivative stem+ particle *p*; the type of suffix is neutral from the point of view of number-formation.

The survey of facts, analysis of types of adjectives and their construction forms show that the grammatical meaning of plural adjective is expressed by affixation.